



შუახევის მუნიციპალიტეტი

მსუბუქი მაღალი გამავლობის ავტომანქანის
(CPV-34110000) გამარტივებული ელექტრონული ტენდერის
საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის # 9 ბრძანების საფუძველზე.

დაბა შუახევი
2017

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დანართი № 1 ტექნიკური დავალება და ფასების ცხრილი

1. ინსტრუქცია ტენდერში მონაწილეობისთვის

1.1 იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 შესყიდვის ობიექტი: შუახევის მუნიციპალიტეტისთვის 1 (ერთი) ერთეული მაღალი გამავლობის მსუბუქი ავტომობილის შესყიდვა.

2.2 პრეტენდენტის მიერ სისტემაში ასატვირთი ინფორმაცია და მონაცემები:

2.2.1 რეკვიზიტები:

ა) პრეტენდენტის იურიდიული ფორმა, დასახელება და საიდენტიფიკაციო კოდი;

ბ) ხელმძღვანელის სახელი და გვარი;

გ) პრეტენდენტის იურიდიული ან/და ფაქტიური მისამართი და ტელეფონის ნომერი;

დ) პრეტენდენტის ელექტრონული მისამართი;

ე) მომსახურე ბანკის დასახელება, ბანკის კოდი და ანგარიშსწორების ანგარიში.

2.2.2 სატენდერო წინადადების ფასი, დანართი № 1-ის შესაბამისად;

2.2.3 სრული ინფორმაცია მისაწოდებელი საქონლის შესახებ, დანართი № 1-ის შესაბამისად (დეტალური ტექნიკური მახასიათებლები; შემოთავაზებული საქონლის მარკა, მოდელი და მწარმოებელი ქვეყანა);

2.2.4 ინფორმაცია საგარანტო პირობებისა და ვადების შესახებ;

2.2.5 სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

2.3 შესყიდვის ობიექტის ტექნიკური დავალება და ფასების ცხრილი: შესყიდვის ობიექტის ტექნიკური დავალება და ფასების ცხრილი მოცემულია დანართი № 1-ის სახით.

2.4 საქონლის მიწოდების ვადები და პირობები:

2.4.1 ავტომანქანების მიწოდება და შემსყიდველის სახელზე გადაფორმება უნდა განხორციელდეს ხელშეკრულების გაფორმებიდან ერთი თვის ვადაში.

2.4.2 საქონლის მიწოდების ადგილია: დაბა შუახევი, თამარ მეფის N30

2.5 ანგარიშსწორების პირობები:

2.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული, შესყიდვის ობიექტის მიწოდებასთან დაკავშირებული ყველა გადასახადის (მათ შორის: განბაჟება; სანომრე ნიშნების აღება; შემსყიდველის სახელზე გადაფორმება და ა.შ.) ჩათვლით;

2.5.2 ანგარიშსწორება მოხდება უნაღდო ანგარიშსწორებით ლარებში;

2.5.3 ანგარიშსწორება განხორციელდება საქონლის მიწოდების შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტის შემდეგ, საგადასახადო დოკუმენტაციის წარმოდგენიდან არაუგვიანეს 10 (ათი) სამუშაო დღის განმავლობაში;

2.5.4 ექსპერტიზის ჩატარების შემთხვევაში ანგარიშსწორება განხორციელდება სსიპ ლევან სამხარაულის სახელობის ექსპერტიზის ეროვნული ბიუროს ან სხვა უფლებამოსილი პირის დადებითი დასკვნისა და შემსყიდველის მხრიდან ხელშეკრულების პირობების შესრულებაზე კონტროლის განმახორციელებელი ჯგუფის წევრების დადებითი დასკვნის საფუძველზე გაფორმებული მიღება-ჩაბარების აქტის შემდეგ, საგადასახადო დოკუმენტაციის წარმოდგენიდან არაუგვიანეს 10 (ათი) სამუშაო დღის განმავლობაში;

2.5.5 წინასწარი ანგარიშსწორება არ გამოიყენება.

2.6 ხელშეკრულების შესრულების უზრუნველყოფის საბანკო გარანტია არ გამოიყენება.

2.7 დაფინანსების წყარო – 2017 წლის ადგილობრივი ბიუჯეტი

2.8 შესყიდვის სავარაუდო ღირებულება: 27 000 (ოცდაშვიდი ათასი) ლარი, დღგ-ს გათვალისწინებით.

2.9 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი. სხვა ვალუტაში გამოსახული სატენდერო წინადადებები არ განიხილება.

2.10 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.11 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.12 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადსმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.13 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაუხსტდება სატენდერო წინადადების შესაბამისად.

2.14 პრეტენდენტს არა აქვს უფლება წარმოადგინოს ალტერნატიული წინადადება.

2.15 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: დაბა შუახევი, თამარ მეფის N30, შუახევის მუნიციპალიტეტის გამგეობა, ტელეფონი: 599852051 საკონტაქტო პირი: რომან მიქელაძე

2.16 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი პრეტენდენტისაგან

მოითხოვს ფასწარმოქმნის ადეკვატურობის დასაბუთებას, რაზეც ამ უკანასკნელის მიერ შემსყიდველის მოთხოვნიდან არაუგვიანეს 5 (ხუთი) სამუშაო დღეში წარმოდგენილი უნდა იქნას სსიპ „ლეგან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული შესაბამისი დასკვნა (სხვა აკრედიტირებული პირის დასკვნასთან ერთად სისტემაში ატვირთულ უნდა იქნას დასკვნის გამცემი პირის აკრედიტაციის დამადასტურებელი დოკუმენტი). ექსპერტიზის დასკვნის წარმოუდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანებით დამტკიცებული წესის მე-12 მუხლის მე-11 – მე-14 პუნქტებით განსაზღვრული წესები.

შენიშვნა:

1. პრეტენდენტის მიერ წარდგენილი წინადადება ძალაში უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
2. შესყიდვის მონაწილე ვალდებულია, შემსყიდველ ორგანიზაციას, მისი მოთხოვნით, წარუდგინოს შესყიდვასთან დაკავშირებული შესაბამისი დოკუმენტი ან/და ინფორმაცია.
3. იმ შემთხვევაში თუ სატენდერო დოკუმენტაციაში მითითებულია კონკრეტული სასაქონლო ნიშანი, პატენტი, მოდელი, წარმოშობის წყარო ან მწარმოებელი, იგულისხმება „მსგავსი“, „ექვივალენტური“.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის მოთხოვნათა შესაბამისად, შუახვევის მუნიციპალიტეტის გამგეობის მიერ სახელმწიფო შესყიდვის განხორციელების მიზნით ელექტრონული ტენდერის საშუალებით. („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად. (SPA -----) (CPV -----).

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანს წარმოადგენს 1 (ერთი) ერთეული მსუბუქი მაღალი გამავლობის ავტომანქანის შესყიდვა (შემდგომში საქონელი) ამ ხელშეკრულების პირობების შესაბამისად.

3. საქონლის ღირებულება

3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის (მათ შორის: განზაჟება; სანომრე ნიშნების აღება; შემსყიდველის სახელზე გადაფორმება; ტრანსპორტირება შემსყიდველის მისამართზე და ა.შ.) გათვალისწინებით შეადგენს ----- ლარს.

4. საქონლის მიღება-ჩაბარება

- 4.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ხელშეკრულების პირობების შესრულებაზე კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.2 იმ შემთხვევაში თუ, მიწოდებული საქონელი შესაბამემა ხელშეკრულებით გათვალისწინებულ მოთხოვნებს, შემსყიდველის უფლებამოსილი პირი, მიწოდებული საქონლის შესახებ მიმწოდებელთან ადგენს მიღება-ჩაბარების აქტს და ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს საქონელი და მოსთხოვოს მიმწოდებელს, მიმწოდებლის ხარჯით 5 (ხუთი) სამუშაო დღის ვადაში გამოასწოროს წუნდებული საქონლის ხარისხი წუნდებული საქონლის ახალი საქონლით ჩანაცვლებით.
- 4.3 საქონელი ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ. შემსყიდველის მხრიდან მიღება-ჩაბარების აქტს ხელს აწერს -----
- 4.5 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზისმითითებით.

5. საქონლის მიწოდების ვადები და ადგილი

- 5.1 ავტომანქანების მიწოდება და შემსყიდველის სახელზე გადაფორმება უნდა განხორციელდეს ხელშეკრულების გაფორმებიდან ერთი თვის ვადაში.
- 5.2 საქონლის მიწოდების ადგილია: დაბა შუახვევი, თამარ მეფის N30

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.
- 6.2 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.3 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.4 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

7. გარანტია

- 7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შეესაბამება ხელშეკრულების მოთხოვნებს.
- 7.2 მოწოდებულ საქონელზე ვრცელდება გარანტია შესაბამისი მიღება-ჩაბარების აქტის გაფორმების დღიდან – ძირითად აგრეგატებზე (მრავი; სიჩქარეთა გადამცემთა კოლოფი; გამანაწილებელი კოლოფი; ხიდები.) არანაკლებ 12 (თორმეტი) თვე ან არანაკლებ 35 000 კილომეტრი რომელიც ადრე შესრულდება.

8. ანგარიშსწორება

- 8.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული, შესყიდვის ობიექტის მიწოდებასთან დაკავშირებული ყველა გადასახადის (მათ შორის: განზაჟება; სანომრე ნიშნების აღება; შემსყიდველის სახელზე გადაფორმება და ა.შ.) ჩათვლით, რომელიც ვრცელდება მიმწოდებელზე.
- 8.2 ანგარიშსწორება მოხდება უნაღდო ანგარიშსწორებით ლარებში.
- 8.3 ანგარიშსწორება განხორციელდება საქონლის მიწოდების შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტის შემდეგ, საგადასახადო დოკუმენტაციის წარმოდგენიდან არაუგვიანეს 10 (ათი) სამუშაო დღის განმავლობაში.
- 8.4 წინასწარი ანგარიშსწორება არ გამოიყენება.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა,

ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით. (საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა).

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 შემსყიდველი უფლებამოსილია ამ ხელშეკრულებით გათვალისწინებული საქონლის მიწოდების ვად(ებ)ის (ყოველ კონკრეტულ შემთხვევაზე) გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე მისაწოდებელი საქონლის ღირებულების **0.02 პროცენტის** ოდენობით. (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება კონტროლის განმახორციელებელი ჯგუფის წევრების მიერ დასკვნის მოზადებას).

11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვნად შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 0.5 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

11.3 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

11.4 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება ეკისრება მიმწოდებელს იმ შემთხვევაშიც, თუ ზიანი მიადგა მესამე პირებს და ეს შედეგი არ დადგებოდა ვალდებულება ჯეროვნად, რომ შესრულებულიყო.

11.5 მხარეები თავისუფლდებიან პასუხისმგებლობისაგან:

11.5.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;

11.5.2 ის მხარე, რომელიც ხელშეკრულების 11.5.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) სამუშაო დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

11.5.3 ხელშეკრულების 11.5.2 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

11.6 მიმწოდებლის ინიციატივით ხელშეკრულების შეწყვეტის შემთხვევაში, ხელშეკრულების შეწყვეტამდე მიმწოდებელი ვალდებულია ვადაგადაცილებული დღეებისათვის და ხელშეკრულების პირობების არაჯეროვნად შესრულებისათვის (ასეთის არსებობის შემთხვევაში) მასზედ დაკისრებული პირგასამტეხლო(ებ)ის გარდა გადაუხადოს შემსყიდველს ხელშეკრულების შეწყვეტისათვის პირგასამტეხლო ხელშეკრულების საერთო ღირებულების 5 (ხუთი) პროცენტის ოდენობით.

12. ხელშეკრულების შეწყვეტა

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

12.4 შემსყიდველს შეუძლია ნებისმიერ დროს შეწყვიტოს ეს ხელშეკრულება წინასწარ 3 (სამი) კალენდარული დღით ადრე მიმწოდებლისათვის შესაბამისი შეტყობინების გაგზავნის შემდეგ.

12.5 შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ საქონლის მიწოდებისას განახორციელოს კონტროლი. კონტროლს ახორციელებს

შემსყიდველის წარმომადგენლები: -----

13.2 კონტროლის განმახორციელებელი ჯგუფის ფუნქციებია:

13.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა მიწოდებული საქონელი ხელშეკრულებით გათვალისწინებულ პირობებს ან/და მოთხოვნებს.

13.2.3 უზრუნველყოს მიწოდებული საქონლის მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. ხელშეკრულების შესრულების უზრუნველყოფის გარანტია

არ გამოიყენება

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

16.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

17. ხელშეკრულების მოქმედების ვადა

17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს-----
-----, გარდა ამ ხელშეკრულების მე-7 და მე-11 მუხლებისა.

17.2 ხელშეკრულების მე-7 და მე-11 მუხლები ძალაშია საქონლის მთლიანი საგარანტიო პერიოდის განმავლობაში.

17.3 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. ტექნიკური დავალება

- 4.1 შესყიდვის ობიექტია შემდეგი მახასიათებლების მქონე 1(ერთი) ერთეული მსუბუქი მაღალი გამავლობის ავტომანქანა.
- 4.2 ავტომანქანა უნდა იყოს ახალი (გამოშვების წელი არანაკლებ 2016) (პირველადი მოხმარების), (სამ კარიანი, მარცხენა საჭით, თეთრი ფერის) ნივთობრივად და უფლებრივად უნაკლო, ქარხნული, უავარიო, განბაჟებული (საქართველო), გადმოფორმებით (მიმწოდებელმა უნდა უზრუნველყოს საკუთარი ხარჯებით, ავტომანქანების გადაფორმება შემსყიდველზე, განბაჟება.)
- 4.3 შემსყიდველი იტოვებს უფლებას მიმწოდებლის მიერ მოწოდებულ ტექნიკაზე, მიღება-ჩაბარების აქტის გაფორმებამდე მოითხოვოს სატენდერო დოკუმენტაციის ტექნიკური პირობების შესაბამისობაზე სსიპ ლევან სამხარაულის სახელობის ექსპერტიზის ეროვნული ბიუროს დასკვნა (შემსყიდველი საკუთარი ხარჯებით უზრუნველყოფს ექსპერტიზის ჩატარებას).
- 4.4 მოწოდებულ საქონელზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან – ძირითად აგრეგატებზე (ძრავი; სიჩქარეთა გადაცემათა კოლოფი; გამანაწილებელი კოლოფი; ხიდები.) არანაკლებ 12 (თორმეტი) თვე ან არანაკლებ 35 000 კილომეტრი რომელიც ადრე შესრულდება.

№	ტექნიკური მახასიათებლები		საქონლის მარკა, მოდელი და მწარმოებელი ქვეყანა.	რ-ზა	ერთეული ს ფასი	საერთო ფასი
1	მარის ტიპი	უნივერსალი		1		
2	კარების რაოდენობა	3				
3	სიგრძე (მმ)	არანაკლებ 3720				
4	სიგანე (მმ)	არანაკლებ 1680				
5	სიმაღლე (მმ)	არანაკლებ 1640				
6	ბაზა (მმ)	არანაკლებ 2200				
7	წამყვანი თვლები/თვლების ფორმულა	სრული ამძრავი 4/4				
8	სამუხრუჭე სისტემა	ABS				
9	მუშა მოცულობა სმ³	1690-1700				
10	მაქსიმალური სიმძლავრე კვტ (ბრ/წთ)	59.5/5000				
11	მაქსიმალური მზრუნავი მომენტი ნმ (ბრ/წთ)	127.5/4000				
12	კვების სისტემა	ელექტრონულად მართვადი გამანაწილებელი შეფრქვევა				
13	ტოქსიკურობის ნორმა	Euro 5				
14	ძრავის ტიპი	ბენზინის, ოთხტაქტიანი				
15	ცილინდრების რაოდენობა	4 ცალი რიგითი განლაგებით				
16	გამანაწილებელი კოლოფი	მექანიკური, ღერძებს შორის დიფერენციალის ბლოკირებით				
17	გადაცემათა კოლოფი	5 საფ. მექანიკური				
18	მაქსიმალური სიჩქარე კმ/სთ	არანაკლებ 137				
19	გარბენი 100 კმ/მდე წმ	რაუმეტეს 19				
20	საწვავის ხარჯი ლტ/100კმ	8-10				
21	საჭე	ჰიდროგამამრიელებლით				
22	საბურავები	175/80-R16				
23	საწვავის ავზის ტევადობა, ლტ	არანაკლებ 42				
24	დამატებითი მოწყობილობა	მინიბის ელ. ამწე				

ვეთანხმებით ტექნიკური დოკუმენტაციით გათვალისწინებულ
მოთხოვნებს.

ვკისრულობთ ვალდებულებას ტენდერში გამარჯვების შემთხვევაში მოგაწოდოთ ზემოაღნიშნული საქონელი სატენდერო დოკუმენტაციისა და დოკუმენტაციაში მითითებული ტექნიკური დავალების შესაბამისად.

პრეტენდენტის დასახელება -----

თანამდებობა, სახელი, გვარი -----

- ხელმოწერა და ბეჭედი -----

შენიშვნა:

1. სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის (მათ შორის: განბაჟება; სანომრე ნიშნების აღება; შემსყიდველის სახელზე გადაფორმება და ა.შ.) გათვალისწინებით, რომელიც ვრცელდება მიმწოდებელზე.
2. გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ფასების ცხრილის განფასება მოქმედი კანონმდებლობის შესაბამისად.
3. მოწოდებულ საქონელზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან – ძირითად აგრეგატებზე (ძრავი; სიჩქარეთა გადაცემათა კოლოფი; გამანაწილებელი კოლოფი; ხიდები.) არანაკლებ 12 (თორმეტი) თვე ან არანაკლებ 35 000 კილომეტრი რომელიც ადრე შესრულდება.